


nis stylium in oris usque amplitudinem protrudes, gargareonis naturam examinās. Mox cultello à gargareonis radice ad incisivos usque dentes in oris tunica sectionem duces, eam cutis alicuius modo nonnihil ab incumbentibus organis liberans. In hoc opere tertium nervorum cerebri par se offeret, quia linguae & inferiori maxillae derivatur. dein septimum cerebri nervorum par sexto commissum, una cum soporali arteria, interiorique iugulari uena. & si aliquantulum ascenderis, quantum quoque nervorum cerebri par, & ramos quosdam tertij paris & quinti paris temporali exporrectos musculo uidebis, si modò unum organum ab alio sensum separare non piguerit. Ad hanc linguae musculi, uti in secundo docuimus libro, adinueniuntur, in quorum administratione nervorum in linguam excurrentium propaggines, ac uenae simul & arteriae sese offerent. Musculi etiam inferioris maxillae reconditi, hic paruo negotio occurrunt, is uidelicet qui in ore delitescens cum temporali & masseter maxillam sursum ducit, & is qui à processu stylium referenti enatus, ad summum mentum inferiori maxillae implantatur. Praeterea tonsillae, aliaeque glandes uasorum distributionibus in faucibus praefectae, tibi hanc administrationem molienti pulchre occurrent. Laryngis autem musculi ita prorsus atque in secundo monuimus libro, sunt aggrediendi, ipsorumque nervi dum dissecantur, non perfunctorie ueniunt animaduertendi. Ablato itaque nunc una cum lingua osse imaginem referente, laryngis ac stomachi initio, inferiorem maxillam à superiori prorsus liberabis, non neglectis interim peculiaribus huius repositis cartilaginibus, quas perinde ac cartilagine clauicularum cum pectoris osse articulos intercedentes, ad skeleti constructionem asseruare nihil prohibet. Atque ita etiam pari ratione os uirginem referens, & laryngis nasique alarum cartilagine ad eundem usum aliquò repones. Nunc palati tunicam, & eam quae nares succingit, ab osse sedulo in hoc abrades, ut mutuum earum tunicarum discas nexum. Si uero quum caput dorsumque mouentes musculos aggrediebaris, primum dorsum agentium par ex sententia non spectaueris, id modò ablatis his quae fauces occupabant factu est facillimum, adeo ut & capitis dorsique motibus praefectos musculos tantisper integros asseruare nihil prohibeat, quousque inferiorem maxillam, eaque quae faucibus continentur, sectionis serie ademeris. Quanquam haec omnia ex secundo libro cuius obuia esse debeant, quemadmodum quoque ex primi libri calce discitur, qui costae à uertebis ad skeleti praeparationem sint auferendae, pectorisque os & cartilagine ipsi commissae, seruandae. Adeo ut nihil praepediat, in proposito caduere à prima uertebra caluariam caputue ipsum liberare, in illoque quae sequens liber enarrabit condiscere, ad cuius finem omnia quae in nobis proposito caduere adhuc uidentur sunt reliqua, commemorabo.

LIBRI SEXTI FINIS.

AN-

ANDREAE VESALII⁶⁰⁵
BRUXELLENSIS, DE HUMANI CORP-
RIS FABRICA LIBER SEPTIMVS, CEREBRO ANI-
malis facultatis sedi & sensuum organis dedicatus, & mox in initio omnes
propemodum ipsius figuras, uti & duo proxime praecedentes libri, commonstrans.

PRIMA SEPTIMI LIBRI FIGVRA.

PRIMAE FIGVRAE, EIVSDEMQUE CHARACTERVM
INDEX.

PRIMA septimi libri figura humani caput ita adaptatū exprimit, quemadmodum id cerebro ostendēdo opportunē à collo & inferiori maxilla dissecatibus liberatur. Praeterea tantam caluariam partē orbiculatim serra abstulimus, quanta quoque omnium quae in caluaria continentur amplitudine uidentur gratia, auferri solet. quanta uero illa sit, liquidò dijudicabis. si septimam figurā sexti capitis libri primi examinaueris, quae hinc ablata caluariam partem interna su perficie exprimit. Quēadmodū itaque praesens figura sectionis serie ceteras omnes inuicē ordine succedentes praecedat, ita quoque illā septimi libri figurarū primā non inopportunē inscribimus, quae durā cerebri cōmonstrat membranā adhuc illā sam, neque aliqua ex parte pertusam, uulneratamue. quamuis interim ipsius membranae uincula diuulsimus, quae per capitis suturas ad membranā efformandā porriguntur. quae quod caluariā succingit, nuncupabitur. atque cum his fibris pariter uascula sunt effracta, quae per caluariam foraminula & suturas deducta, ipsi durae membranae ac illi qua caluaria succingitur, communes censentur. Ceterum ex duobus qui figurā ambire conspiciuntur orbibus, humiliorē, cutis & membranā ipsi subditā cōstituant, elatior autem ipsa est caluaria. Vniuersum uero hoc orbe complexū, durā cerebri membranā refert, omnibus characteribus in figura cōspicuis uniuersim semelque indicatam. at singuli characteres in hunc modum priuatim habent.

A, A Dextrū durae cerebri membranae latus, seu eius membranae pars dextrā cerebri regionē ambiēs.
B, B Sinistrum durae cerebri membranae latus.

C, C Tertiū durae membranae sinus secundū capitis longitudinem exporrectus, & hic nulla ex parte

Ee 3 parte